

華陽陶隱居內傳卷中

期三

薛 蕪 孺子賈 志 樵

初先生以大茅中茅間有積金嶺其地可修
上道

真誥云大茅中茅相連長阿中有連石古

時名為積金山其處宜人住可索有水處

為居室靜舍乃住快可合丹以修上道也

乃於嶺西立華陽上下館

登真隱訣云上館以研虛守真下館以鍊

丹治藥

襲紫皮巾被三易棟條褐

集卷云有人遺紅絲被先生責而還之乃

云近有人遺晉安三易棟甚佳褐者著條

為之左九條右十條法二景也

神棲寂泊精驚玄極雖蕭蕭獨往眇眇自資

而親舊書驛遠近參同蓋未能抑絕常題桐

葉作詩寄宜都王其末云願為雙白羽長拂

攀前塵未幾夜夢宜都云已亡復二年嘗受

生先生曰何往王曰未知也因問鬼神中事

云云乃相執悲別先生更留云指痛不得久

停明日俾出都參訪已遇害矣

本起錄云永明十一年宜都出為高豫州

鎮姑熟延興之末例非天命先生以十一

月十八日忽夢王云云先生眠覺悲怛驚

怪明日使人出都參訪云以此月十日致

斃矣

明帝即位深相喜賞詔勅日至備安車厚禮

迎出居蔣山先生拒之乃已

本起錄云宋明帝三年二月初迎先生出

居蔣山先生固辭并因江祐陳啓乃侍從

此使人往來月有數四餉賜重疊隨意所

求先生亦每事抑遣

乃於上館更建層樓永元初乃登樓長靜

本起錄云四年築架層樓規欲杜絕永元

元年移住便與物頓隔外間簡牘亦削去

於是便與物頓隔晨昏供侍一兩人而已潛

光隱耀蓋無為而無不為也所居堂靜榛蕪

不生常息去水稍遠至是飛溜湧出靈芝秀

於下館甘露被於階臺毛龜泳於前塘白鼠

見於藥屋皆致真之鉅符瑞聖之不述是歲

命弟子戴坦秉策執簡授門人吳鄰陸敬游

建連石之邑并十齋

世謂之錫仙謂之齊九者陽極君之位也

十者陰終以之制焉孔子曰周有大齊善

人是富故以十齋稱焉

為樓靜處士

其文曰云云具集中

時東昏不君江表危動

齊書云廢帝東昏侯諱寶卷既即位殘忍

酷暴書契未聞剝剝孕婦格煞百姓每一

月凡三十餘出往無定處東行驅北明且

應出却即驅逐吏司奔馳叫呼盈路鼓聲

所聞便徒跣奔走犯者皆手刃工商廢業

樵蘇路斷或委病棄屍不得殯葬萬姓嗷

嗷甚乎塗炭之上

征東將軍蕭衍軍次石頭東昏寶臺城義師

頗懷猶豫先生上觀天象知時運之變俯察

人心憫塗炭之苦乃亟陳圖識貽書贊贊

本起錄云先生自永元已來深記向晦聞

義師西下日夕以觀及屆于新林便指麾

替發遣弟子戴猛之假道傳送行達皂英
播不能得造至登石頭復使李嗣公仰奏
即獲開答時十一月朔日也臺堞猶自嚴
固時人憊崔氏覆篋多懷猶豫先生不疑
庶事必決也

受封揖讓之際范雲沈約並秉策佐命未知
建國之號先生引王子年歸來歌中水刃木
處

王子年歸來歌詠論水刃木皆是美詞兼
引王君回文識焉榮泰三詩並感稱梁字
為應運之符

及諸圖識並稱梁字為應運之符洎將昭告
復令用四月丙寅

本起錄云至春末夏初當就昭告沈約宜
旨又請尅日先生踉蹌數日而正據四月

八日丙寅也

乙丑夜凝雲灑雨朝廷懼之詰朝昇曜既而
復雨

本起錄云乙丑夜凝雲灑雨朝廷深慮致
疑詰朝達明登壇燄燄受終禮畢鸞駕還

宮百司陪慶冥夕之間雨復滂沛朝廷既
脫莫不謂天命矣

梁武帝即位彌加欽重使朱嗣之及舍人黃
陸賁勅至山因召先生賈二牛一在野甚自
得一衣以文縷有人扣刀執繩以隨帝曰是

將學曳尾龜寧有可致之理乃與先生書曰
今萬乘為累欲東向修弟子禮其可得乎因
問享國之期曰吾曆數蒼促如何先生啓云
再探辰次又云光武一去四八今則直上七

七然後乘彼白雲帝在祚四十九年其預軫來
死皆此類也先生眇尋上道先括綱領若梯景
響雲之速無如刀圭潛心注想唯朱黃為關

營九轉丹砂雄黃最為主領于時後魏
及宇文泰強盛武都路梗雄黃不可致也
天監三年夜夢有人云丹亦可得作是夕帝

亦夢人云有志無具於何輕舉式歌漢武帝
久之方悟登使舍人黃陸告先生想刀圭未
就三大丹有闕宜及真人真心無難言也先

生初難之吾寧學少君邪帝復以夢旨告焉
乃命弟子陸逸冲潘淵文開積金嶺東以為

轉鍊之所鑿石通澗水東流矣先生以謂丹
品蓋多黃帝九鼎九丹

登真隱訣云此方泰清中經而治變駁非
後人能究也

王君虹景

王君即清虛小有真人也

左慈九華

真誥曰左慈得鑑火九華之益即是也方
未顯於世

五靈七變神精召魂之屬

此例凡三十許種止還年及老遠為地仙

耳

或方法外略難可應用或品例卑近不得高
通

前所列諸丹皆泰清中小法非上清太極

冲虛控景之術也

復有二金液亦管含有礙

登真隱訣云一者太一金液抱朴子所注

此乃可就而闕在消石兼無真人手跡彌
所未安二者即泰清金液此乃安期所傳

而用鹵鹹虜鹽此世難多兼祭法用牢俎
以為憚礙之也

高真上法有四而四葉未顯

世雖有其方疑有假附

琅玕洲重

登真隱註具有其經是上清法

曲晨精妙

登真隱訣具有經方是太極法二法非唯

下識未敢措心亦並須虛瑤消石為難致

也矣

唯九轉所用藥石皆可尋求製方之體辭無

得長歷然可解乃緘願畢志

登真隱訣云九轉神丹昇虛上經是太極

真人傳長里先生長里先生傳西城總真

王君王君傳太元真人也

四年春先生出居嶺東使王法明守上館陸

逸冲居下館潘淵文許靈真楊超遠從焉是

歲有事于鑑燈明年元日開鼎無成

集卷云天監五年春正月旦開鼎唯近上

二黃輕華已飛其餘丹青始綠邊煥赤也

重九復燧亟多不偶

本起錄云九月九日復營自起火鼎多細

圻兼山中雷震慮精華驚歇更加補治不

敢烈火也

限竟開鼎復無成

本起錄云年末限意開鼎下鼎繞

先生平居凜然如齋戒自攝心轉鍊彌能謹

萬至於燃鼎用陽燧日中取火蓋其精如此

性少睡未嘗晝寢夜坐往往及曉常於月明

讀書及是為精煙所薰

登真隱訣云四年初營自起火至限竟用

簪穀糠凡一千二百斛藥屋入夜復慮精

物干觸必宜閉戶其煙氣蓬勃可知矣

火下欲不見字帝知之送波律燭

集卷云波律外國香名燒此可以明目也

先生以為營非常事宜聲迹曠絕而此山密

通朝市巖林淺近人人皆云有望是丹室酷

忌

登真隱訣云此事朝野聲通顯著人人皆

有望此最犯戒忌之大也

姑改服易氏選道東邁當去建晉中以其山
海深曠民不知道見所云為無聞視聽吾若
委形枕杖非不可為是獨濟小道

委形枕杖此尸解下法蓋不得旋及故卿

無由更議管合

若脫爾便逝不可以為教迹乃以意啓梁武

梁武難之

集卷有帝答書知欲徒卜想諮請幽勝謀

及著龜但遷徙之日為當使人為當使鬼

猶躡躡因地其不滅也

先生撰意直往不復疑異唯是心計旁無知

覺稱靜齋五旬一皆斷絕乃以夜半出山天

大晦冥人莫能見負笈以從者二人改名氏

曰王整官稱外兵

真人所為非凡識所辨此名氏官位當有

玄旨耳

初欲入剡或度天台至浙江值潮波甚惡乃

上東陽仍停長山聞南路有海掠不可行稍

進赤巖宿瞿溪石室夢人告云欲求還丹三

永之間乃自思惟知是永嘉永寧永康之際

先生初造朱陽創立基址在永明永泰永元之中今夢旨當指此耳若是永嘉永寧永康何管理之不證耶

因是出訪村人咸云過此室上百餘里至永康蘭中山最為高絕詰朝乃往經紀山良可

居唯四少無議聚糠

集卷云此土居人合把稻且持春以給日用收糠不可得也

後入楠溪青嶂山愛其稻田乃居會荒倫連歲不諧兼寇掠充斥

集卷云先生因此行皆不偶自緣海數郡從來晏如二三年來無山不寇先生亦

就田自作復值歲飢乃曰嘗聞五嶽圖云霍山是司命府必神仙所都

名山記云霍山在羅江縣高三千四百丈上方八百里東鄉司命茅君所居

乃自海道往焉過牛岑出海口東望扶桑乃慨然歎曰所謂觀海難為水游聖難為言平生使無學而不學今日一皆休矣霍山連略

當六七百里隱隱如陣雲巖嶂驚拔特異他處先生足躡真境心注玄關大有靈應感對事秘不書亦人稀田寡復以無糠為患

集卷云先生深歷四面無議投足復自海道還永嘉至太溜形勢殊好

登真隱訣云壬辰年六月便乘海還永嘉木溜嶼乃大有古舊田墟孤立海中都無人居甚可管合

會上使司徒慧明迎還舊嶺登真隱訣云八月至木溜見其可居始上岸起屋十月司徒慧明至于時願得且停

木溜與慧明商推往復積日永不敢許於是相隨而還也

道中書粉相望仍欲先生至都下先生至晉陵辭以疾乃還華陽上使管朱陽館以居先生三讓之詔不從

登真隱訣云甲午年勅買故許長史宅宋長沙館仍使潘淵文與材官師匠管起朱陽館

自於館東建藥屋靜院云躡玄洲之跡

登真隱訣云昔李明於此下合九鼎丹以

外玄洲發掘基址屢得破瓦器乃其舊用自南霍還鼎事累管皆不諧乃非都無彷彿

每開鼎皆獲霜華門人僉謂此為成先生驗丹家說云琅玕丹成其飛華光彩三十七種

曲晨丹成其飛華百雜亂色光照流煥玄炁徘徊太清金液丹成其飛華狀奔月墜星雲

繡九色其氣似紫華之見太陽其精似青大之映景雲九轉丹成則飛精九色流光煥明

不爾未成也累年所得皆輕華靈靈或光明廉稜如霜雪無雜色十八年所獲嚴鐸光華

過於前者皆似五六出華劍鋒厲齒而下岸枯槁決黑碎之如星焚作朱黃煙炁當猶火勢或贏或猛朱黃不得飛者時有鄧郁之居南嶽

登真隱訣云宜都夷陵人天監四年湘州刺史揚公則攜下都啓閣進見權住蔣山

後勅給九轉藥具令還山管合勅給九轉丹具令管合限竟閭鼎上有鍾乳霜雪光明照耀永無雜色鄧不以獻奉自解

之

丹經說云乙未正月開鼎云上有鐘乳霜雪下津作丸紫黑色多分人服之而飛華都不與人亦無獻奉獨將往南嶽間一皆藏之也

乃云病病八日云是夕衝嶽本風雷忽暫明

登真隱訣云鄧先生初云顏色如故後三日安與中傳置積日尸不毀壞

丹訣云丹成無雜光彩是毒丹餌當暫死項史起去

丹經云丹數限未色診不全皆名毒丹故太清云頓服一兩亦即暫死昔魏伯陽與弟子合丹成共一人服服亦死餘人行走比還已去也

先生有乘雲御龍心自云年十二時於渠閣法書中見却惜以黃素寫太清諸丹法乃忻然有志及年二九授上道見上清太極法遂齋而不為奚况餌毒丹求道去乎累年所得一皆埋藏而十八年飛華雖雜色光彩特

異欲試作黃白以驗成否

丹經云取鉛十斤著鐵器中猛火煎之三沸投丸轉之華一銖於鉛中攪之須更立成黃金也

是夕攝心乞感忽見有人來朦朧如煙雲中

語云不須試試亦不得今人多貪忽聞金玉可作便求竟毀天禁正此是成但未都具足仍復作數聲云世中豈復有白日昇天人漸服自可知言訖飄然東去於是乃不試先生常云去世之日如茅太元之發咸陽

太元真人傳云真人發咸陽時約親友鄉人其日皆至有珍蔽異樂自空虛而至既而從千乘萬騎而南人皆瞻觀也

趙廣信之著列白
葛稚川神仙傳云趙廣信於列白山白日

昇天

欲以曉悟迷方永題竹史從來感遇正恐挺運潛嘿不得從志至是乃歎曰昔聞幽說云仙障有九名居其一使吾不白日登晨者蓋三朝有淨名乎南真高尊既非輕舉

南真紫虛元君魏夫人也以夜半解化笑

小探蕭龜復是變解

小探許長史子王斧也因禮拜乃變遊玄師舊轍誠宜仰遵也普通五年復塗鼎起火明年正旦甲子開鼎光蒸照燭動心煥目

形質似前者而加以彩虹雜色始天監四年初有志於此及是凡七營乃成先是吏部尚書謝覽夢人告曰華陽先生得道未久職位且掌錄籍無幾何有女子姪錢亦居華陽師事先生授經及符圖忽一日錢先生問何之

錢曰上賓于金闕先生曰吾門人先吾去者數矣錢曰師當為蓬萊却水監先生乃過嶺送之因贈詩云云先生晚歲眸子忽爾正方紫陽周君傳云君常於市中遇黃泰者見其眸子正方乃知是仙人因求乞長生之術乃自云是玄洲上卿蘇君也或云眸子方壽萬歲

方壽萬歲

顧盼皆有奇異光象文章氣調彌更英逸所居樓雖入室弟子不許窺伺也在世八十一年以梁大同二年丙辰三月十二日癸丑解

駕違世其曰詰朝作告逝篇示其門人
其篇云云具集中

已時恬然乃去支體素弱顏色不變異香奇
靈繚繞山谷將斂乃見空衣

變解之道初宛然見尸存存未幾但冠劍
及空衣存耳

十四日空虛極於雷平山梁武帝謚曰貞白
先生先生以猶子松喬為嗣仍居華陽先生
在世所著書

學苑一百卷 孝經論語序注十二卷

三禮序一卷 汪尚書毛詩序一卷

孝子內外集四卷 玉匣記三卷

三國志贊述一卷 抱朴子注二十卷

世語綱字二卷 古今州郡記三卷

續臨川康王世說二卷

撰太公孫吳書略注二卷

負儀集要三卷 七曜新舊術數二卷

風雨水旱飢疫占要一卷

卜筮略要一卷 靈奇秘奧一卷

舉百事吉凶曆一卷 算數藝術雜事一卷

右一百六十六卷
先生在山所著書

登真隱訣二十四卷 真誥十卷

本草經注七卷 肘後百一方三卷

夢書一卷 効驗施用藥方五卷

集金丹黃白方一卷 服雲母諸石方一卷

服食草木雜藥法一卷 消除三尸要法一卷

斷穀秘方一卷 人間却災患法一卷

服氣導引一卷 右五十七卷

齊梁間侯毛公師從先生授業者數百人

皆拒絕唯徐勉江祐丘遲范雲江淹任昉蕭

子雲沈約謝淪謝朓謝舉等在世日早中擁

墓之禮絕迹之後援引不已沈約嘗因疾遂

有挂冠志疾愈復留連躋後先生封前書以

激其志約啓云上不許陳乞先生歎曰此公

乃爾寒薄

夫樂鍾鼎者以巖谷為嶺逐總山林者視

絃冕為桎梏若論臻其微鍾鼎不及巖谷

明矣曾宥於榮辱之途翹足於羅網之間

與夫嘯傲林澤嚼芝木可同日而言即
以沈休文之貴盛先生歎為寒薄是知道
德貴矣

唯奇謝瞻覽年少自疑壽不永先生曰我在
此不使君子如此也

先生作渾天象高三尺許天轉地靜列宿度
數七曜行道昏明中星見伏早晚以機轉之
究與天會云脩道所須非史官家事又因流
水作自然漏刻十二時循環自轉無勞守視
先生冲深粹和性不嚴毅小大見之皆忻然

樂悅而真儀靈悉自令人畏服門人承奉祇
肅有如官廷入山之後巾褐未嘗離體每云
人之稟挺命錄實自懸天桐栢之棄捨玉宮
文成之機片候服三芽之遠親絕微二許之
遺室擯形未必正由識見兼是為運所引我

從來過諸機際並幾成而失永明中五過啓
祿得輒差舛若不爾豈得今日之事身中既
有仙相益使人守信彌篤而思識精深凡所
尋問皆人不至尤好五行陰陽風角悉候太
一遁甲星曆算數山川地理方國物產及醫

方香藥分劑盡鳥草木考校名類莫不畢該
常言我自不能為仲尼而能教人作仲尼猶
如管仲不能自霸能使齊桓霸也

華陽陶隱居內傳卷中

華陽陶隱居內傳卷下

翔四

宋宣和封詔

朕膺琅霄之景命握龍漢之寶符蓋稽敷暢
靈音恢隆道化闡微言於至教薦休命于列

真蓬萊都水監陶隱居振迹榮羅濯精華開
神交無累迹雖相於山中誠感夙通賦已仙
於海上顧德名之莫擬豈妙廢之敢忘尚都
顯號之榮永介涵生之社可特封宗元期教
真人

解真碑銘

郟陵王蕭松撰

夫夜光結綠非祛蘆之恒珍逸羽翔麟豈圍
池之近玩寧期心於遠大蓋不知其所以然
也是以穎陽高蹈洗耳於唐朝漢陰貞棲滅
跡於周代盛德流風有自來矣應期而曜質
者其在茲乎先生名弘景字通明本冀州平
陽人其先出自帝堯陶唐氏之後堯治冀州
平陽故因居此龍馬見五色之符欽明表八
采之瑞光被于天下允釐於庶職洪源莫遠

系緒綿長漢與舍為高祖右司馬子青翟位
至丞相後漢末南渡始居丹陽七世祖澄仕
吳為鎮南將軍荊州刺史祖隆宋南中郎參
軍事父自實司徒建安王國侍郎並立履清
約博涉文史先生含元精之和氣蓄凌颺之
雅質兼宣七善總修九德行仁蹈義嶽峙淵
淳樞仞無以觀清濁不能測道風與星漢向
高勝氣與煙霞共遠六歲便辭書能屬文七
歲讀孝經毛詩論語數萬言曼情勿習墳典
公幹少讀詩賦方之於古彼有多慚是以岐
嶽流聲中黃著頌有鄉人得葛洪神仙傳見
淮南八公諸仙事乃歎曰讀此書使人有凌
雲之氣於是寢興諷誦晨昏不輟年二十七
為宜都王侍讀總知管記事勝道求賢禁林
招士朝難其選咸曰得人阮瑀之書記不足
扶衡孫楚之辭才何以捧轂齊代好治官室
方修死園青谿舊館更就起築仍奏表上頌
辭事兼美邁彼樂職之篇踰乎景福之製帝
省覽久之益以為善除奉朝請恪居官次夙
夜惟寅春朝秋請是謂攝擯者也先生本不